



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 30. Gregorii II. Capitulare.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

Dominæ nostræ celebrandi, & quasdam
 alias Ecclesias visitandi. Habitabat ve-
 ro Gerniacacurte, ubi anno 733. quar-
 ta Jan., qua die Ecclesia ejus memoriam
 colit, animam Deo reddidit. Exinde
 Corpus ejus ad Monasterium S. Dionysii
 translatum.

Sæcul. VIII.
 A. C. 716.

Martyr. R.
 4. Jan.

§. XXX.

Gregorii II. Capitulare.

Interim multi in Germania ad Fidem
 convertebantur, occurritque jam
 capitulare, seu Mandata a Gregorio II. Pa-
 pa Martiniano Episcopo, Georgio Pres-
 bytero, & Dorotheo Subdiacono, qui
 ambo ad Ecclesiam Romanam pertine-
 bant, injuncta, in Bavariam profecturis.
 Hoc Capitulare datum 15. Martii, anno
 Anastasii Imperatoris tertio, id est anno
 Salutis 716. tredecim Articulos comple-
 ctitur, in quibus Papa in hunc ferme
 modum loquitur: *Ubi Epistolas nostras
 reddideritis, cum Duce illius Provinciae
 deliberabitis, ut congregetur Conventus
 Sacerdotum, Judicum, & omnium illius
 Gentis Primorum. Tum examinatis
 Presbyteris & Ministris, illis, quorum
 ordinationem Canonicam & Fidem puram
 probaveritis, dabitur potestatem sacrifi-
 candi, ministrandi, & cantandi. Jube-
 bitis observari Traditionem Ecclesie Ro-
 manae. Ceteris, qui vobis non probabun-
 tur,*

Baviere. to.
 6. Conc. p.
 1452.

c. I.

R r 2

tur,

Sæcul. VIII.

A. C. 716.

c. 2.

c. 3.

c. 4.

c. 5.

c. 6.

tur, omne munus interdicitis, & Successores dabit. Curabitis etiam, ut in quolibet Ecclesia Missa, officia diei ac noctis, & Sacrarum Scripturarum Lectiones observentur. Episcopatus consideratis locorum distantis, & cujuslibet Ducis jurisdictione, creabitis, & cuilibet Sedi terminos ponetis. Si tres aut quatuor Sedes constitueritis, majorem Archiepiscopo reservabitis, & congregatis tribus Episcopis novos ordinabitis ex Auctoritate S. Petri. Si virum inveneritis dignum, qui in Archiepiscopali Sede collocetur, aut datis litteris vestris eum ad nos dirigatis, aut vobiscum adducetis. Si talem non inveneritis, id nobis indicabitis, ut nos eorum utilem eo mittamus. Illis, quos Episcopos ordinaveritis, præcipietis, ne unquam Ordinationes illicitas præsumant, & quinam irregulares sint, speciatim docebitis. Præcipietis, ut Ecclesia Bonæ custodiant, & in quatuor partes dividant. Ordinationes non nisi temporibus præscriptis faciant, & Baptismum non nisi in Paschali Festivitate & Pentecoste nocuerint esse præbendum, exceptis his, quorum mortis periculum urget. Ceterum tota Religio subjacet Episcopo, & omnes Christiani ei obedire tenentur.

De Matrimonio docebitis; Nuptias sub prætextu Continentiæ non esse damnandas, nec per licentiam nubendi occasiones form

fornicandi esse præsumendam. Prohibete
 divortium, polygiam, conjunctionem
 incestam affinium. Docete, continentiam
 nuptiis esse meliorem. Item in perceptio-
 ne ciborum nihil judicetur immundum,
 nisi quod fuerit Idolis immolatum. Ne-
 mo ad somnia vel auguria attendat. Pro-
 hibete incantationes, maleficia, & cer-
 torum dierum observationes. Nemo in
 die Dominica, aut in Festis Nativitatis
 Domini, Epiphaniæ, Ascensionis jejuset.
 Non recipiantur oblationes dissidentium.
 Docete, omnes pœnitentia indigere pro-
 pter peccata quotidiana. Docete Resur-
 rectionem corporum, & æternitatem pœ-
 narum inferni. Damnate illos, qui som-
 niant, Dæmones ad Dignitatem Angeli-
 cam aliquando reducendos. Talia sunt
 Mandata, quæ Grægorius II. Papa misit
 in Bavariam.

Sæcul. VIII.
 A. C. 716.

c. 7.

c. 8.

c. 9.

c. 10.

c. 11.

c. 12.

c. 13.

§. XXXI.

S. Rupertus Salisburgensis.

Bavaria illa tempestate duos habebat
 Episcopos celeberrimos, S. Rupertum
 Salisburgensem, & S. Corbinianum Frisin-
 gensem, ambos natione Francos. S. Ru-
 pertus, seu nostra pronunciatione Robert,
 ex Regia Francorum stirpe natus, erat
 Episcopus Wormatiensis anno secundo
 Childerici III. regnantis, anno vero Sa-
 lutis

Act. SS.

Ben. to. p.

339.

Rr 3

lutis